



UNIVERSITÄTS-
BIBLIOTHEK
PADERBORN

**S. Augustinus, Episcopus in Africa Hipponeñsis, Veritatis
Evangelico-Catholicæ In Potioribus Fidei Controversiis
Testis Et Confessor, Contra Bellarminum Et Alios
Scriptores Papæos, antiquos pariter & ...**

Reiser, Anton

Francofurti, 1678

Lib. I. cap. 20. de Verbo Sacramenti

[urn:nbn:de:hbz:466:1-72506](#)

signacula vocant *Sacramenta*, quia ob signant fideles, & tanquam Notæ quedam eos separant ab iis, qui non sunt de grege vel exercitu Domini. Ita accipit hanc vocem post *Basilium & Hieronymum Augustinus*. Secundò, quia claudunt intra se *Rem Sacram*, id est, invisi-
lib. 19. tem *Gratiam*. Atque hac significazione *Augustinus* alibi *Sacramenta* vocat *signacula*. Ter-
tiò, *Baptismum* in specie vocant *Sigillum* vel *Obsignationem Fidei*, quia *Baptismus* est publica
contra adprobatio & testificatio fidei ejus, qui baptizatur. sic voce hac unius *Tertullianus & Basilius*. Subiungit porrò *Bellarminus*, Denique potest etiam *Baptismus* vocari *Sigillum Fidei*, quia perficit & absolvit quodammodo hominem fidem, quomodo Veteres mortem seu occisionem pro Christo vocabant *Signaculum Martyris*, teste *Eusebio*. At meminisse debebat *Bellarminus*, unius positionem non esse statim alterius remotionem, nisi contra-
tio. 11. sint sibi invicem opposita. Hinc cometripli, quo tribus modis Patres, & inter eos *Augustinus*, *Sacramenta* dicere *Sigilla* vel *Signacula* largitur *Bellarminus*, hunc etiam concedit modum, quem ponit intermedium, quo *Sacramenta* vocantur *Aug-
stino visibilia Rerum Divinarum signacula*; quæ eadem mens & Sententia est *Evangelicorum*, cum *Sacramenta* dicunt promissionum & simul *Beneficiorum DEI* *Sigilla*, qui modus cæteros non tollit aut excludit, sed potius includit, ut cuius rem hanc accura-
tè ponderanti manifestum est.

CAPUT Vigesimum,

DE

Verbo Sacramenti.

Agit quidem in hoc capite *Bellarminus* expressè contra *Calvinum*, in capite etiam antecedente monens, valde probabile esse, *Lutheranos*, qui præter *Concionem* adhibent verba *Consecrationis* in omnibus *Sacramentis*, non requirent *Concionem* ad effientiam, sed tantum ad fructum *Sacramenti* adsequendum, ac prouide cum eis nullam fore hic loci altercationem; in proximè tamen sequentibus eos excipit, qui verba ipsa *Sacramentalia* proferunt ad consecrandum, sed ad instruendum, & aperte *Evangelii* predicationem vocant, *Brentium* ex *Confessione VVurtembergensi* nominetenus perstringens. Ut quæ *Evangelicorum* hæc de re sit *Sententia*, placet exponere Lectori ante, quæ *Augustini* de cæta testimonium ab adversariâ partis glossâ vindicare. Exhibit eam *Hulsemannus* noster verbis sequentibus: *Verbum concionatorium non est id tantum, quod solum ad exhortandum aut increpandum de pulpite aut ambone declamatatur, sed est universum Verbum DEI προφορικόν, aptum natum, ut in Concionibus & Officiis quibuscumque Sacris adhibatur, adeoque & verbum consecratorum suo ambitu comprehendit*, quod est *Verbum*, habens annexam actionem quandam, institutione Christi mandatam, quæ tamen sive actio, seu actionis intentio non facit, ut hoc *Verbum* formaliter differat a verbo concionali; nec enim efficie-
tis differt, nec materialia, quæ est res ad salutem & informationem scibiliis; nec forma, nec fine, nec objectio integræ. Quamvis enim *Consecrationis* sit finis, rem ad peculiarem usum peculiari mandato DEI destinatam à vulgari usu segregare; simul tamen & hominis instructionem pro fine habet, ut doceat, hoc ita se habere, hanc rem huic usui destinatam esse. Præmissâ hunc in modum *Sententia* *Evangelicorum* explicatione, quia lis præcipua est de verbis quibusdam *Augustini* hanc in rem laudari solitis, necesse est, ut ea hic legantur, ut nimis eò felicius & facilius à *Glossâ* partis adverstarie possint vindicari. Ita autem Sanctus Pater: *Vnde ista tanta virtus aquæ, ut corpus tangat, & cor abluit, nisi faciente Verbo, non quia dicitur, sed quia creditur?* Nam & in ipso Verbo aliud est sonus transiens, aliud virius manens. Hoc est Verbum Fidei, quod predicanus, ait *Apostolus*; quia si confessus fueris in ore tuo, quia DOMINVS est IESVS, & credideris in corde tuo, quia DEVS illum suscitavit a mortuis, salvi eris. Corde enim creditur ad Iustitiam, ore autem confessio fit ad Salutem. Vide in actibus *Apostolorum* legitur, Fide mundans corda eorum. Et in Epistola sua *B. Petrus*: *Si & vos Baptisma salvos facit, non sordium carnis depositio, sed Conscientia bona interrogatio.* Ne hoc *Augustini* testimonium *Sententia* *Evangelicorum* videatur quidquam conferre, multa *Bellarminus* prolixissimè conquirit, & eo quidem cum successu, ut pleraque cæteri Scriptores Papæ, hanc tractantes Controversiam, tantum non plane ad literam exsripiant. Juvat exemplum rei & fidelissimæ descriptio-

nis

nis documentum in *Vasquezio* videre, qui pari prolixitate cum Bellarmino & ex Bellarmino de his Augustini verbis agit, cuius responsum, et si ferè ad nauseam usque prolixum, ne quid ad rem pertinens detrahi videatur, huc ponere placet, brevi cum subnexâ ad rei veritatem animadversione: *Hunc locum Augustini intelligit Calvinus in III. part. (Brentium cum quibusdam aliis Evangelicorum addit Bellarminus:) de verbis Concionis, Tom. II. part. quæ hæretici adhibent Sacramento.* Attamen ex suâ ipsius doctrinâ facile potest Disp. 129. revinci; nam Ipse ait, detracto illo verbo Concionis manere adhuc Baptismi Sa. cap. 4. cramentum, siquidem Ipse non putat verbum tale esse de essentiâ Sacramenti. Et idem Calvinistæ non rebaptizant eos, qui apud Catholicos sine Verbo Concionis baptizati sunt; & tamen de eodem verbo, de quo in prædicto locutus fuerat testimonio, ante dixerat idem Augustinus: *Detraxi verbum, quid est aqua, nisi aqua?* Accedit verbum ad elementum, & fit Sacramentum. Præterea convinci potest Calvinus ex verbis ipsius Augustini. Nam paulò post de eodem verbo Fidei, de quo fuerat locutus & dixerat, *Hoc est verbum Fidei, quod predicamus, subiungit, Quo sine dubio, ut mundare possit, consecratur & Baptismus.* Atqui Baptismus non consecratur, etiam ex Sententiâ Calvini, verbis Concionis, sed verbis illis, *Ego te baptizo in nomine Patris &c.* id quod alibi expressè docuit Augustinus his verbis: lib. III. de Quamobrem si Evangelicis verbis, in nomine Patris, Fili & Spiritus Sancti, Marcius Bapt. c. Baptismum conferebat, integrum erat sacramentum. Denique de eodem verbo, de cap. 15. quo loquitur Augustinus in illo testimonio, statim inquit: *Hoc verbum Fidei tantum valet in Ecclesiâ, ut per ipsam (alii legunt, per ipsum, scilicet verbum) credentem, offarentem, benedicentem, tingente etiam tantillum mundet infantem, quamvis non dum valentem corde credere ad iustitiam.* Atqui verbum Concionis catenus solum mundare potest ex Sententiâ Calvini, quatenus creditur; credi autem non potest ab Infante. Ergo Augustinus non loquitur de verbo Concionis, quod hæretici contendunt adhibendum esse Sacramento. Ex Catholicis vero nonnulli hujus ætatis Theologi existimant, Augustinum non de verbo Concionis, nec de verbo Consecrationis, hoc est, de illâ Baptismi formâ, sed de verbo Institutionis ipsius Sacramenti esse locutum, de quo, inquit, rectè dicitur tribuisse vim aquæ, & iplam consecrasse, ut etiam mundaret infantem. Hæc tamen Expositio ex verbis ipsius Augustini manifestè potest refelli. Nam de verbo, de quo Ipse in prædicto loquitur testimonio, & de quo dixit, dedisse virtutem aquæ, ut corpus tangat, & cor abluat, subiungit, *Non quia dicitur, sed quia creditur.* Verba autem Institutionis non ideò vim habent conferendi Sacramentum, quia creduntur, sed quia à Christo dicta fuerunt; Institutio enim ipsa & consecratio Sacramenti non pendet ex nostrâ fide, licet fructus Sacramenti pendaat, sed ex verbo ipsius CHRISTI instituentis. Præterea Augustinus loquitur de verbo, quod cum accedit ad elementum, efficit Sacramentum; & tamen verbum Institutionis non est, quod dicitur accedere ad elementum & efficiere Sacramentum, sed verbum, quod ponitur pro formâ ipsius Sacramenti, ut constat. Alii etiam recentiores Theologi censent, Augustinum loqui nunc de Verbo concionis, nunc autem de verbo Sacramentali, quod verbum Consecrationis adpellamus. Primo quidem, I. plumb loqui de verbo Sacramentali & consecratorio, colligunt ex eo, quod loquitur de verbo, quod accedit ad elementum facit Sacramentum. Loquitur autem de verbo Concionis colligunt ex eo, quod citat illud Pauli, *Hoc est Verbum Fidei, quod predicamus vobis,* & hujusmodi alia, quæ quidem de verbo Concionis sunt intelligenda, quale etiam est illud, quod paulo ante adlegaverat, *Iam vos mundi estis propter sermonem, quem locutus sum vobis.* Constat autem, tunc Apostolos non fuisse mundatos propter Verbum Sacramentale & Consecrationis, sed propter verbum Concionis & exhortationis, quod à CHRISTO audiverrant. Sententia hæc vera quidem est, si intelligatur non de verbo Concionis, quod adhibetur in Baptismo & aliis Sacramentis, sed de verbo Concionis in universum. Neque enim ibi Augustinus ex instituto agit de Verbo Sacramentali, sed de verbo Concionis in universum, & de virtute illius per Fidem ad animam mundandam. Cœpit vero occasionem ex illâ Domini Sententiâ, *Iam vos mundi estis &c.* ubi ostendit CHRISTUS discipulis, ipsis fuisse emundatos à peccatis, non lotione pedum, sed sermone ipsius per Fidem. Ut autem ostendat efficaciam

NB.

Tom. III. Controversiæ I.

414

,, ciam Verbi exhortationis & prædicationis per Fidem, adfert statim Exemplum verbi Consecrationis, quod adhibetur elemento & efficit Sacramentum, ut often dat, omnem emundationem à Verbo per Fidem proficisci, & ita adfert illud Pauli, *Hoc est Verbum Fidei, quod predicamus &c.* Ipsam igitur efficaciam Verbi Consecrationis refert ad Fidem, quæ ex illo gignitur. Similiter de Verbo Consecratio-

,, nis, quod adfert in exemplum suæ Doctrinæ, inquit, *Vnde est ista tanta virtus &c.* quasi candem vim tribuens verbo Sacramentali, ut per Fidem dicatur efficacitatem tribuere elemento ad emundandum; & ita exemplo verbi Sacramentalis & Consecrationis confirmet id, quod dixerat de Verbo Concionis & prædicationis, de quo ex initio disputabat. Quod vero adserit de verbo Sacramentali, *Non qua*

,, dicitur, sed quia creditur, difficile videtur ad intelligendum. Nam efficacitas verbi Consecrationis non provenit à fide ministrantis aut accipientis, licet ex parte recipientis adulti requiratur, ut dispositio, non ad ipsam Sacramenti virtutem, hanc-

NB.

,, nim ex sola Institutione habet, sed ut habeat effectum. Quocirca in parvulis, qui credere non possunt, Baptismus effectum habet & sine Fide ministrantis, & sine Fide Recipientis; èa certè de causâ, quia efficacitas illius est à DEO instituente, non autem à Fide. Quare eorum Sententia non placet, qui adserunt, idèo di-

,, xifc Augustinum de verbo Sacramentali, *Non quia dicitur, sed quia creditur, quia ad ejus efficacitatem Fides sit necessaria;* & ex dictis confutatur. Dicendum igitur est, cum Augustinus ait, *Non quia dicitur, sed quia creditur,* verbum cre-

,, ditur non denotare actum credendi id, quod verbo significatur, sed Mysterium plumb, quod est Fidei objectum, ut credatur, ut sensus sit, *Verbum, quod acce*

,, dit ad elementum, ut fiat Sacramentum, non tribuit elemento eam efficacitatem & virtutem emundandi, quatenus dicitur, hoc est, quatenus est sonus quidam-

,, terialis & transiens, sed quatenus in se continet mysterium Fidei nostræ ad creden-

,, dum. Hic autem sensus patet ex eo, quod in codem Tractatu de verbo Consecrationis, quod additur elemento, inquit idem Augustinus: *Hoc verbum Fi*

,, dei tantum valet in Ecclesiâ &c. ubi concedit Augustinus, verbum Fidei tantum valere in Ecclesiâ, ut mundet infantem ante, quam credat. Id autem verum est, etiamsi Baptismus ei adhibetur ab infideli. Tunc autem verbum Fidei non

,, potest mundare per actum Fidei, sed ratione Mysterii, quod significat. Hoc autem vocat Augustinus fidem, cù, quod sit objectum Fidei, quod proponitur ad credendum, & in Baptismo profitetur. Verbum igitur Sacramentale ex Au-

,, gustini Sententiâ idèo emundat, quia est Verbum fidei, sicut etiam verbum Con-

,, cionis, hoc est, quia continet & denotat Mysterium Fidei ad credendum, non quia est vox quædam & sonus materialis; ut ita probet, omnem emundationem

NB. fieri per Verbum Fidei, sive extra Sacramentum, sive in Sacramento, quatinus non

,, codem modo. Nam extra Sacramentum emundat verbum Fidei gignendo in aliis fidem, quæ voluntas ad DEUM convertitur; sive in Baptismo, in nobis efficiendo Sanctitatem, non ratione soni, sed ratione Mysterii Fidei, quod sensus significat, & ita sive hoc Idiomate, sive illo proferatur, codem modo sanctificat.

,, Quocirca non mirum, si Augustinus in tractatu illo citet quædam testimonia Scripturaræ pro verbo Fidei, quod est verbum Concionis, quale est illud Pauli, *Hoc est*

,, verbum Fidei, quod predicamus &c. quædam vero alia pro verbo Consecrationis Sa-

,, cramentalis, quale est illud Petri, *Quod & vos nunc salvos facit &c.* Hæc omnia post Bellarminum prolixissime Vasquez, suum Antecessorem in plerisque sequens, in aliquibus explicans, & paucis hypothesibus exceptis, quas omnino occultare non

potuit, ita Augustinum illustrans, ut Evangelici Doctores non adeo multum possint desiderare, quidquid sit de Sententiâ Calvinii, cuius partes hic non aguntur. Paucis, cùm Augustinus accedere dicit Verbum ad elementum, ut fiat Sacra-

mentum, ex Evangelicorum, imò Augustini ipsius Sententiâ intelligitur Verbum In-

,, stitutionis sive mandati, non generalis, sed specialis, ad certam ac Sacramen-

,, tum solennitatem restricti, quod in se continet Verbum promissionis Evangelicæ de Gratia DEI & remissione peccatorum, ritui Sacramentali annexæ; simul vero etiam complectitur Verbum invocationis & gratiarum actionis, quo & Di-

,, vina antecedenter Gratia rogatur, & consequenter pro acceptâ gratia haben-

,, tur, cùm sicut prectione omnes alia actiones, ita vel maximè hic erant

actus

vid. D.
Dannh.
Mysteriof
P. 138.

actus sanctificetur. Accedit quoque Verbum *ad applicationis & determinationis* ad hunc vel illum, qui hujus vel illius Sacramenti particeps fieri desiderat. Omnia autem hæc Verba, in se unius tantum Verbi rationem habentia, dum non sine Sensu si- deque in silentio demurmuranda, sed publicè recitanda & spectatoribus, præseruit ipsiis communicantibus explicanda sunt, *Concionatoria* dici possunt, non in oppositio- ne Verbi consecratorii, quasi hoc ab illis specificè sit diversum, cùm consecratio ver- balis sit pars quædam Concionis, nullo causarum genere distincta, nec majorem illud verbum consecrationis, quasi practicum, p̄r̄ verbo Concionis quasi speculativo, juxta Philosophiam Bellarmino habeat efficaciam; sed in oppositione taciti murmuris, quod in Sacramentali actu nullum habere locum aliás docetur. Et horū respicere augustum Doctorem, dum non semel ad Apostoli Oraculum provocat scribentis: *Hoc est Verbum Fidei, quod PRÆDICAMUS &c.* debet esse indubium. Inde Bellarmi- nus ipse suum inter eos Doctores professus est nomen, quos recentiores Theologos dixit *Vasquezius*, quorum Sententia fuit, *Sanctum Patrem nunc de Sacramentali, nunc de Concionali verbo loqui; qui si illud tantum observassent, non diversa hæc Verba esse, sed unum idemque Verbum, diverlo tantum respectu consideratum, facile mentem Augustini perceperissent.* *Vasquezius* etiam qui omnibus aliis perspicacior & subtili- lior videtur voluit, hanc Bellarmini & recentiorum, quos laudavit, Theologorum Sententiam dixit quidem esse veram, sed eā solum ratione, *si intelligatur de verbo Conci- onis in universum, non de illo verbo Concionis in specie, quod in Baptismo & aliis adhibetur Sacramentis.* Sed non adeò subtilis est hæc distin^{tio}, ut, quæ in modo saltem pro- ponendi aliquatenus differunt, pro diversis rebus in se habeantur. Sive enim Verbum in Concione & pro suggestu, sive in administratione hujus vel illius Sacramenti adhi- beatur, idem est & manet Verbum DEI, suam habens ab Authore efficaciam. Quamvis etiam Augustinus eo in loco, unde testimonium, de quo haec tenus, defun- tum est, ex instituto & professo non agat de *Verbo Sacramentali in specie*; id est, de Ver- bo DEI, quartenus suam in administratione Sacramentorum exercit efficaciam, sed de *Verbo Concionis*, in universum, & de virtute illius per Fidem suscepit ad animam emun- dandam; egregie tamen Augustinus per adductionem Exempli de Verbo in Sacra- mento Baptismi ostendit identitatem utriusque Verbi, & simul etiam Virtutis ab utroque, quod in se, ut dixi, unum est idemque, provenientis de eodem Verbo, quod Concionis in specie dicitur, monens, *quod si accedat ad elementum, fieri Sacra- mentum, Apostolo duce & p̄eante, noranter ad præsentis Instituti rationem, contra quævis inaniter distinguendum subterfugia testatus, Hoc ipsum esse Verbum Fidei, quod PRÆDICAMUS &c.* & quod subintellectum voluit, quo interveniente & regenera- mut & in Sacramento Eucharistie Christo hospite spiritualiter reficiuntur, Verbo hoc ad cæteras etiam actiones sacras ex Instituto Authoris efficaciter concurrente. Et haec tenus de celebri Illo interque partes vexarissimo Augustini loco, brevitas stu- vid. D. dio aliis prætermisssis, quæ circa diverlum ejus Sensum portò solent urgeri, extra Walth. dubitationis aleam posito, quod contra Bellarminum, & Vasquezium ad verum ejus ol num. 5, Msc. The- intellectum ex ipso verborum contextu fuit observatum, unde Evangelicorum Sen. P. 96. seq- tentia sine ullâ hæsitatione potest sufficenter perspici & percipi.

CAPVT VIGESIMVM & PRIMUM,

DE

Rerum & Verborum Sacramentalium immuta- bilitate..

Si in hoc capite Bellarmius & suam candidè exhiberet Sententiam, & de Evangelicorum mente non iniquius statueret, nihil haberemus, quod circa præscriptum Lemma jure posset desiderari, nobis in eo omnimodè contentientibus. At quia non solum quoad propriam, quam exhibet sententiam, rubrum cum nigro non convenit, sed & insuper Evangelicis Doctoribus, *Luther*o nominatim, & *Brent*io, peregrinam & omni- nō alienam adsingit mentem, quin illud Lectori ostendatur, prætermitti neque potest, neque debet, præsertim, quia & hic authoritas Augustini intercedit, quam Bellar- lib. 6. con. tra Donat cap. 25.